



18 - 20 Januarie 2019

Tamboti Vreugde



Na die Desember/Januarie vakansie het ons die nuwe jaar aangepak en by ons eerste kamp van 2019 uitgekom by Tamboti Vreugde. Na wat vir my na nog meer hobbels gelyk het as laasjaar op die teerpad en grondpad wat redelik goed is, het ons by Tamboti Vreugde aangekom. Teen Vrydagaand was almal daar en die kamp was opgeslaan. Die senior burgers het soos gewoonlik vroeër gekamp en was al heel lekker ingeburger, maar hoor ons hulle moes 'n redelike stormwind die Donderdagaand weerstaan. Die weer was gelukkig nie so warm soos laasjaar nie en die Sondag was dit bewolk. Baie het vroeg opgeslaan om te verhoed dat hulle nat tente opslaan.

Vir die naweek was daar 28 Rietvallei-gesinne, een besoeker van 'n ander streek en een gas. Vrydagaand het met 'n heerlike Boereworsrol met tamatie-rissiesmoor begin. Net een groot klakte oor die algemeen, die stuk wors was te groot. Later het ons boekvat gehou en daarna sommer die registrasie afgehandel vir die naweek. Koffie was beskikbaar en almal het sommer lekker onder die lapa gekuier.

Die Saterdagoggend was dit sommer van vroeg af lekker warm. Die oggend het vroeg begin met boekvat en koffie drink by die lapa. Die res van die dag was elkeen op homself aangewese. 'n Paar van die Rietvalleiers het besluit om die Arlington Brewery, plaaslike bier-brouery binne die Dinokeng Reservaat te gaan opsoek. Wat 'n verassing was dit nie, baie lekker kos en ook lekker koue bier.

Die res van die Saterdag was 'n lekker rustige kuierdag. Laat Saterdagmiddag so teen 16h00 het ons 'n proe-sessie gehad. Elkeen het sy eie nie-alkoholiese mengeldrankie (Non-alcoholic Cocktail Drink) gemaak en ons het almal lekker geproe. Dit was so lekker ons kon nie besluit wie het die lekkerste drankie

gemaak nie. Die wenner was egter die lekker proe en saamkuier. Gelukkig was dit nie-alkoholies anders het ons dalk 'n probleem gehad. Die aand was daar weer lekker braai by jou naaste buurman en gekuier tot laataand.

Die Sondag was 'n rusdag. Boekvat diens is geleei deur Frans. Na afloop van die diens is die afsluiting afgehandel. Daarna het ons soos gewoonlik lekker gekuier by die lapa, met smul geregte en ietsie om te drink.


So het ons eerste kamp vir 2019 tot n einde gekom en almal het huiswaarts gekeer.

So is 'n uiters suksesvolle naweek afgesluit. Van die kamp kommandante, aan almal wat die naweek saam kom kamp het, en aan al die aktiwiteite deelgeneem het, 'n hartlike dankie.

Tot 'n volgende keer.


SAWA-groete

Frans en Stefanie



As die geleenthied hom sommer net so voordoen, dan hoe anders as om dit te gebruik en lekker onder die water te staan en afkoel.

Verjaarsdae vir Januarie



Sieg Maritz, Elmarie le Roux,
Hein Henze, Wim v.d Berg
en Elana van Zyl

Huweliksherdenkings



Hennie en Annemarie Engelbrecht 37 Jaar

Toekennings



Jan en Gerda de Wagenaar - 10 Streek

100



100 Streek - Chris en Nellie Stander



Geluk ook met 25 jaar lidmaatskap

Gaste vir die naweek



Herman en Corlia Eksteen en Bertus en Daleen Marx



In die klein kerkgebou te Tamboti Vreugde



Kampkommandante - Frans en Stefanie



1 Peter 4:10



GOD HAS GIVEN EACH OF
YOU A GIFT FROM HIS
GREAT VARIETY OF
SPIRITUAL GIFTS. USE
THEM WELL TO SERVE ONE
ANOTHER.